

An illustration of a shepherd with dark, curly hair and a beard, wearing a tan tunic and a brown shawl. He is kneeling on a rocky ledge, holding a wooden staff in his right hand and reaching out with his left hand towards a white sheep. The sheep is standing on a rocky outcrop, looking up at the shepherd with its mouth open. The background shows a steep, green mountain slope under a blue sky with light clouds.

UNCEDO OLUVELA ENYANGWENI

**LUBHENGEZWE NGU MNU
WATSON GOODMAN**

**LUNGESISA –
ALUTHENGISWA**

“UNCEDO OLUVELA ENYANGWENI” yingqokelela yeevesi ezinxulumeneyo zesiBhalo ngemixholo ephuma kwiindawo ngeendawo zeBhayibhile. Ndiyakholwa ukuba eyona ncwadi icacisa isiBhalo yiBhayibhile ngokwayo.

Ilizwi likaThixo livela “enyangweni” yaye ngenene liluncedo kakhulu kwiintliziyi ezilambela zinxanelwe ubulungisa. Xa umntu eguquka, eshiya isono, emema iNkosi uYesu Kristu ukuba ihiale entliziyweni yakhe, ekholwa ngentliziyi yakhe yonke kwiNkosi uYesu Kristu njengoMsindisi, iNkosi iyakuzityhila kuye ithululele uvuyo noxolo lwayo entliziyweni yekholwa elo. Oku kwandehlela ngonyaka we-1937, yaye andizanga ndibaqhawule obu budlelane bumangalisayo neNkosi okokoko. Ndiyakucela nawe ukuba uzinikezele kuYo njengoMsindisi neNkosi yakho NGOKU, ukuba ubungekenjenjalo.

— Watson Goodman (1920-2002)

Bible in IsiXhosa 1859/1975 © Bible Society of South Africa 1859, 1975. Digital version © Bible Society of South Africa 2012. Used with permission. All rights reserved. www.biblesociety.co.za

The Bible Society of South Africa hereby declares that the opinions, views and theological positions in the additional material in this publication do not necessarily reflect those of the Bible Society of South Africa. The Bible Society of South Africa does not endorse the use of Bible text in any manner or on any platform that may potentially be deemed anti-Christian in nature, or that promotes illegal/unlawful activity.

KwabaseRoma 5:8

Ke yena uThixo uqondakalisa okwakhe ukusithanda ngokuthi, sakubona ukuba sisengaboni, u-Kristu asifele.

UYohane 13:1

Ke kaloku phambi komthendeleko wepasika, esazi uYesu ukuba lifikile ilixa lokuba anduluke kweli hlabathi, aye kuYise, ebathandile abakhe abasehlabathini, wabathanda kwada kwaasekupheleni.

Isityhilelo 1:5

NakuYesu Kristu, olinqhina elithembekileyo, owamazibulo kubo abafuleyo, umphathi woku-

mkani bomhlaba. Kulowo wasithandayo, wasikhulula ezonweni zethu ngelilelakhe igazi.

UYohane 3:16

Kuba wenjenje uThixo ukulithanda kwakhe ihlabathi, ude wancama uNyana wakhe okuphela kwamzeleyo, ukuze bonke abakhulwayo kuye bangatshabalali, koko babe nobomi obungunaphakade.

UYeremiya 31:3

UYehova ubonakele kum kwa kude, wathi, Ndikuthandile ngokuthando olungunaphakade: ngenxa yoko ndikolulele inceba.

UMateyu 1:22, 23

Ke kaloku oku konke kwenzeke, ukuze kuzaliseke okwathethwayo yiNkosi ngomprofeti, isithi, Yabonani, intombi le iya kumitha izale unyana, bambize ngegama elingulmanuweli, oko kukuthi ngentetho evakalayo, uThixo unathi.

UYohane 14:7-10

Ukuba be nindazile mna, ninge nimazile noBawo; ngoku ke niya mazi, nimbonile nokumbona. Athi uFilipu kuye, NKosi, sibonise uYihlo, kosanelisa. Uthi uYesu kuye, Ndinaxesha lingakanana ndinani nje, akukandazi na, Filipu? Lowo undibonileyo mna u-

mbonile uBawo; utsho ngani na ke wena ukuthi, Sibonise uYihlo? Akukholwa na ukuba mna ndikuye uBawo, abe ke uBawo ekum? Amazwi endiwathethayo mna kuni, andiwathethi ephuma kum; uBawo ke ohleli kum, nguye oye-nzayo imisebenzi le.

UYohane 1:1, 14

Ekuqalekeni ube ekho uLizwi, waye uLizwi ekuye uThixo, waye uLizwi enguThixo. . . ULizwi waba yinyama, wahlala phakathi kwethu, sabubona ubuqaqawuli bakhe, ubuqaqawuli kanye bowo-kuphela kwamzeleyo uYise, ezele lubabalo nayinyaniso.

ULuka 1:35

Saphendula isithunywa sathi kuye, uMoya oyiNgcwele uya kuza phezu kwakho, athi namandla oseNyangweni akusibekele; kungoko loo nto ingcwele izalwa nguwe iya kubizwa ngokuba nguNyana kaThixo.

UMateyu 17:5

Kuthe esathetha, kwathi gqi ilifu elikhanyayo, labenzela ithinzi; nalo izwi liphuma efini apho, lisithi, Lo nguNyana wam oyintanda, endikholisiweyo nguye; mveni yena.

KaYohane I 4:15

Othe wavuma ukuba uYesu unguye uNyana kaThixo, uThixo

uhleli kuye, naye uhleli kuye uThixo.

KwabaseKolose 2:9

Ngokuba kuhleli (kuKristu Yesu) kuye konke ukuzaliseka kobuThixo ngokomzimba.

UISaya 9:6

Ngokuba sizalelwe umntwana, sinikwe unyana; ukuthethela kusesixhantini sakhe; igama lakhe kuthiwa ngumMangaliso, ngumCebisi, nguThixo oligora, nguSonini-nanini, ngumThetheli woxolo.

UMateyu 3:17

Naalo izwi liphuma ezulwini, lisithi, Lo nguNyana wam oyintanda, endikholisiweyo nguye.

UYohane 11:25

Wathi uYesu kuye, Ndim uvuko, ndim ubomi; lowo ukholwayo kum, nokuba ubethe wafa, wodla ubomi.

UYohane 6:35

Wathi ke uYesu kubo, Isonka sobomi esi ndim; lowo uzayo kum, akasayi kulamba; lowo ukholwayo kum, akasayi kunxanwa naphakade.

UYohane 4:25, 26

Ithi intokazi kuye, Ndiyazi ukuba uMesiya uyeza, ekuthiwa nguKristu; xa athe weza yena, uya kusityela izinto zonke. Athi uYesu kuyo, Mna ndithethayo nawe ndinguye.

UYohane 8:23

Wathi kuwo, Nina ningabangaphantsi, mna ndingowangaphezulu; nina ningabeli hlabathi, mna andingoweli hlabathi.

UYohane 8:58

Wathi kuwo uYesu, Inene, inene, ndithi kuni, Engekabikho uAbraham, mna ndikho kade.

UYohane 10:7

Wabuya wathi ngoko kubo uYesu, Inene, inene, ndithi kuni, Ndim isango lezimvu.

UYohane 13:13

Nina ukundibiza nithi ndinguMfundisi, nithi ndiyiNkosi; niyalungisa ukutsho, kuba kunjalo.

ULuka 5:4-6

Akupheza ke ukuthetha, wathi kuSimon, Khwelelisela enzulwini, nihlise iminatha yenu, kubanjiswe. Waphendula uSimon wathi kuye, Mongameli, sibulaleke ubusuku buphela, asabamba nento; kodwa ngelakho ilizwi ndiya kuwuhlisa umnatha. Bathi, bakukwenza oko, bavingcela inkitha enkulu yee-ntlanzi; wawuqhaqheka ke umnatha wabo.

UMateyu 14:19-21

Wathi izihlwele mazingqengqe phantsi engceni; wazithabatha izonka zozihlanu neentlanzi zombini, wathi, ekhangele ezulwini, wasikelela; waqhekeza, wazinika

abafundi izonka ezo; ke abafundi banika izihlwele. Badla bonke bahlutha; basusa amaqhekeza aseleyo, zalishumi elinazibini izitya zizele. Ke kaloku abo babesidla babengamadoda akumawaka amahlanu, ngaphandle kwabafazi nabantwana.

UMateyu 20:30, 34

Nanko kuhleli iimfama zimbini ngasendleleni; zathi, zakuva ukuba kudlula uYesu, zadanduluka, zisithi, Senzele inceba, Nkosi, nyana kaDavide. . . Wasikwa ke yimfesane uYesu, wawachukumisa amehlo azo; zaba nokubona kwaoko ngamehlo azo, zamlandela.

KwabaseKolose 1:16

Ngokuba zadalelwa kuye zonke izinto, ezisemazulwini nezisemhlabeni, ezinokubonwa, nezingenakubonwa, nokuba ziitrone, nokuba zibubukhosi, nokuba zizilawuli, nokuba ngamagunya; zonke izinto zidalwe nguye, zidalelwe yena.

UYohane 1:3

Izinto zonke zabakho ngaye; engekho yena, akubanga kho nanye into ethe yabakho.

KwabaseKorinte I 1:9

Uthembekile uThixo, enabizelwa nguye ebudlelaneni boNyana wakhe, uYesu Kristu iNkosi yethu.

KwabaseRoma 14:9

Kuba uKristu wafa, wabuya wavuka, wabuya wadla ubomi, ngenxa yoku, ukuze aphaathe ubukhosi kwabafuleyo, kwa nakwabaphilileyo.

KumaHebere 1:2

UThixo . . . uthethe ngale mihla yokugqibela kuthi ngoNyana; awammisayo waayindlalifa yeento zonke, awathi kwa ngaye wayenza indalo yonke.

Izenzo 2:36

Ngoko ma yazi ngokuqinisekileyo yonke indlu kaSirayeli, ukuba uThixo wamenza iNkosi noKristu, kwa yena lo Yesu nambe-thelelayo emnqamlezweni nina.

UMateyu 25:32

Zihlanganiswe phambi kwakhe zonke iintlanga, abahlule abanye kwabanye, njengokuba umalusi ezahlula izimvu ezibhokhweni.

KuTimoti II 4:1

Ndiya qononondisa mna ngoko emehlweni kaThixo, neNkosi yethu uYesu Kristu, oza kugweba abaphilileyo nabafileyo, kwa nangokubonakala kwakhe nobukumkani bakhe.

Izenzo 10:42

Wasithethela ngelithi, ma siva kalise ebantwini, siqononondise ukuba yena nguye omisiweyo nguThixo, ukuba abe ngumgwebi wabaphilileyo nabafileyo.

KwabaseRoma 2:16

Kuya kuba njalo mhlenikweni uThixo aya kuzigweba izinto ezi-fihlakeleyo zabantu, ngokweendaba zam ezilungileyo ngoYesu Kristu.

UYohane 5:22

Kuba kananjalo uYise akagwebi namnye; uthe umgwebi wonke wawunikela kuNyana.

KwabaseRoma 14:10

Ke wena, yini na ukuba umgwebi umzalwana wakho? Hi wena, yini na ukuba umenze into engeyakonto umzalwana wakho? Kuba thina siya kuma sonke phambi kwesihlalo sokugweba sikaKristu.

KumaHebere 5:9

Waza, egqibelele, waba yimbangi yosindiso olungunaphakade kubo bonke abamlulamelayo.

UYohane 10:9

Ndim isango; ukuba umntu u-the wangena ngam, wosindiswa; uya kungena ephuma, afumane utyani.

UYohane 14:6

Uthi uYesu kuye, Ndim indlela, ndim inyaniso, ndim ubomi; akukho namnye uzayo kuBawo, engezi ngam.

UYohane 8:24

Ndatsho ngoko kuni ukuthi, Niya kufela ezonweni zenu; kuba ekubeni nithe anakholwa ukuba

ndinguye, niya kufela ezonweni zenu.

Izenzo 4:12

Kananjalo usindiso alukho kuwumbi; kuba akukho gama limbi phantsi kwezulu, linikiweyo phakathi kwabantu, esimele ukusindiswa ngalo.

KumaHebere 7:25

Ngoko unakho nokubasindisa kanye abo bezayo ngaye kuThixo, ehlala ehleli nje ukuba abathethelele.

KwabaseTesalonika I 5:9

Ngokuba uThixo akasimisela-nga ngqumbho; usimisele ukuzuza usindiso ngayo inKosi yethu uYesu Kristu.

KuTito 2:14

Owazinikela ngenxa yethu, ukuze asikhulule ngokusihlawulela kukho konke ukuchasa umthetho, azihlambululele abantu abangabakhe, abazondelela imisebenzi emihle.

KwabaseKorinte I 1:30

Ke niphuma kuye, nina bakuKristu Yesu, owathi ngenxa yethu waba bubulumko obuvela kuThixo, nobulungisa kwa nobungcwalisa nentlawulelo.

KwabaseKolose 1:12-14

Nibulela kuye uYise, owasenza sakulingana ukwahlulelwa ilifa labangcwele ekukhanyeni; owasihlangulayo egunyeni lobumnya-

ma, wasifudusela ebukumkanini boNyana wothando lwakhe, esinayo kuye inkululeko ngokuhlawulelwa ngegazi lakhe, ukuxolelwa kwezono ke oko.

Isityhilelo 5:9

Avuma ingoma entsha, esithi; Ufanele ukuyithabatha incwadi, nokuwavula amatywina ayo; ngokuba wena waxhelwa, wasithenga ukuba sibe ngabakaThixo ngalo igazi lakho, siphuma kuzo zonke izizwe, neelwimi, nabantu, neentlanga.

ULuka 19:10

Kuba uNyana womntu weza kufuna nokusindisa oko kulahlekileyo.

KaPetros I 1:18, 19

Nisazi nje ukuba anihlawulelwanga nikhululwe ngazinto zinakonakala, ozisilivere nozigolide, kuyo ihambo yenu engento, enayinikelwayo ngoyihlo. Kwakungegazi elinqabileyo likaKristu, nje ngelemvana engenasiphako, engenabala.

KwabaseRoma 5:9

Kokukhona sigwetyelwe nje ngegazi lakhe, siya kusindiswa ngaye kuyo ingqumbo.

KumaHebere 9:14

Lobeka phi na ukugqithisela lona igazi likaKristu, owazisondeza ngoMoya ongunaphakade, enge-

nasiphako, kuye uThixo, ukusihlambulula isazela senu emisebenzini efileyo, ukuze nikhonze uThixo ophilileyo?

KaYohane I 1:7

Ke, ukuba sihamba ekukhanyeni, nje ngokuba yena esekhukanyeni, soba sinobudlelane omnye nomnye, lithi negazi likaYesu Kristu, uNyana wakhe, lisihlambulule kuso sonke isono.

KwabaseEfese 1:7

Esinayo sikuye inkululeko ngokuhlawulelwa ngegazi lakhe, ukuxolelwa ke kweziphoso zethu, ngokobutyebi bobabalo lwakhe.

KwabaseEfese 2:8, 9

Kuba nisindiswe ngokubabalwa ngalo ukholo; nakho oko kungaphumi kuni, kosisipho sikaThixo; akuphumi misebenzini, hleze kube kho bani uqhayisayo.

KwabaseRoma 5:1

Ngoko, sigwetyelwe nje ngokwaselukholweni, sinoxolo kuThixo ngayo iNkosi yethu uYesu Kristu.

UYohane 20:31

Kodwa le ibhalelwe ukuze nikhholwe ukuba uYesu unguye uKristu, uNyana kaThixo, nokuze nithi, nikhholwa, nibe nabo ubomi ngegama lakhe.

KumaGalati 5:6

Kuba kwabakuKristu Yesu akunamandla anto ukwaluka, kw nokungaluki; into enamandla lukholo olusebenza ngothando.

KaYohane I 5:4

Ngokuba konke okuzelweyo nguThixo kuya leyisa ihlabathi; lulo ke olu uloyiso oluleyisayo ihlabathi, ukholo lwethu.

UYohane 6:28, 29

Bathe ngoko kuye, Ma senze ntoni na, ukuze sisebenze imisebenzi kaThixo? Waphendula uYesu, wathi kubo, Umsebenzi kaThixo nguwo lo, ukuba nikhholwe kuye othunyiweyo nguye.

Indumiso 103:11

Ngokuba inje ngokuphakama kwezulu phezu komhlaba, ukuba namandla, inceba yakhe kwabamoyikayo.

Indumiso 103:17

Ke yona inceba ka Yehova ikwabamoyikayo, kususela kwaphakade kude kuse ephakadeni, nobulungisa bakhe bukonyana bonyana.

UMika 7:18

Ngubani na onguThixo onje ngawe, oxolela ubugwenxa, adlu le esikreqweni samasalela elifa lakhe? Akawugcini unaphakade umsindo wakhe; kuba yena uthanda ukwenza inceba.

KuTito 3:5

Kungengamisebenzi esebulungiseni esayenzayo thina, kungokwenceba yakhe, wasisindisa ngentlambululo yokuzalwa ngokutsha, nangokuhlaziya koMoya oyi-Ngcwele.

Indumiso 108:4

Ngokuba inkulu ngaphezu kwezulu inceba yakho: Yada yesa esibaka-bakeni inyaniso yakho.

Izililo 3:22, 23

Kungeenceba zikaYehova lento singagqityelwanga, ngokuba azipheli iimfesane zakhe. Zintsha imiso ngemiso: kukhulu ukuthe mbeka kwakhe.

UIsaya 1:18

Kha nize sibonisane, utsho u-Yehova; nokuba izono zenu zide zavela zaanje ngengubo ebomvu, zoba mhlophe nje ngekhephu; nokuba zide zaayingqombela nje ngebala elibomvu, zovela zinje ngoboya begusha.

UMateyu 11:28

Yizani kum nonke nina nibula-lekayo, nisindwayo ngumthwalo, ndoninika ukuphumla.

IGenesis 7:1

Wathi uYehova kuNowa, Ngena, wena nendlu yakho yonke, emkhombheni, ngokuba ndibona wena ilungisa phambhi kwam kwesi sizukulwana.

UIsaya 55:1

Wenani! Nonke nina ninxani-weyo, yizani emanzini, nabange-namali: yizani, thengani nidle; yizani, thengani iwayini namasi, ningenani, ningenamali.

Isityhilelo 22:17

UMoya nomtshakazi bathi, Yiza. Lowo uvayo ma kathi, Yiza. Lowo unxaniweyo ma keze; lowo uthandayo, ma kawathabathe amanzi obomi ngesisa.

UYohane 7:37

Ke kaloku, ngomhla wokugqibela, ongowona mkhulu womthendeleko, wema uYesu, wadanduluka esithi, Ukuba kukho othi anxanwe, ma keze kum asele.

14 ASIBANTWANA BAKATHIXO BONKE ABANTU ABA

KwabaseFilipi 2:15

Ukuze nibe ngabangenakusoleka, abangenabuqhinga; nibe ngabantwana bakaThixo abangenkubekwa bala esazulwini sesizukulwana esigoso, esigwenxa; enithi phakathi kwabo nibonakale ninje ngezikhanyiso ehlabathini.

UYohane 1:12

Ke bonke abamamkelayo wabanika igunya lokuba babe ngabantwana bakaThixo, abo ke bakholwayo kwigama lakhe.

KwabaseKorinte II 6:17, 18

Phumani phakathi kwabo, nizahlule, itsho iNkosi, nento encholileyo ningayichukumisi: Ndandi-

ya kunamkela, ndibe nguyihlo, nina nibe ngonyana neentombi kum, itsho iNkosi uSomAndla.

KaYohane I 3:10

Babonakala ngaloo nto abantwana bakaThixo, nabantwana bakamtyholi. Bonke abangenzi bulungisa abangabakaThixo, nalowo ungamthandiyo umzalwana wakhe.

KwabaseRoma 8:14, 15

Kuba bonke abakhokelwa nguMoya kaThixo, bangonyana bakaThixo abo. Kuba anamkelanga moya wabukhoboka, ukuba nibuye noyike; namkele umoya wokwenziwa onyana, esidanduluka ngawo sithi, Aba, Bawo.

INTO ETHETHWA NGUTHIXO MALUNGA NEEZISELO 15 EZINXILISAYO

Musa ukuyikhangela iwayini, xa iza ingqombela, Xa ibengezelayo endebeni, Xa ihla kamnandi; Ukuphela kwayo iluma nje ngenyoka, iluma nje ngeramba.

—Imizekeliso 23:31, 32

Yeha, abavuka kusasa, besuke la isiselo esinxilisayo; balibale kude kube lunchwalazi, ide ibatshise iwayini!

—UIsaya 5:11

Iya bonakala ke yona imisebenzi yenyama, eyile: ukrexezo, umbulo, ukunchola, ubureletyo, ukubusa kwizithixo, ukukhafula, intiyo, iinkani, amakhwele, imisindo, amayelenqe, iimbambani-

so, izahlukano, omona, okubulala, okunxila, iindywala, nezinto ezinje ngezo; endinixelelayo ngenxa engaphambili, nje ngokuba be se ndinixelele kade, ukuba abazenzayo izinto ezinjalo abayi kubudla ilifa ubukumkani bukaThixo.

—KumaGalati 5:19-21

Ma sihambe sizibekile ngokwasemini; kungabi sezindywaleni nasekunxileni; kungabi sekuphimseni nasebureletyweni; kungabi sezinkanini nasemoneni. Yambathani ke iNkosi uYesu Kristu; ize ukwazalelela inyama ningakwenzeli ukukhwezelela iinkanuko zayo. —KwabaseRoma 13:13, 14

UMarko 10:17-22

Akubona ukuba uyaphuma, uya endleleni, kweza othile ngokubaleka, wawa ngamadolo kuye, wambuza esithi, Mfundisi ulungileyo, ndenze ntoni na, ukuze ndibudle ilifa ubomi obungunaphakade? Uthe ke uYesu kuye, Yini na ukuba uthi ndilungile? Akukho ulungileyo, mnye kwaphela—nguThixo. Uyayazi imithetho; Musa ukukrexeza, musa ukubulala, musa ukuba, musa ukungqinela ubuxoki, musa ukulumkisa, beka uyihlo nonyoko. Uphendule ke yena wathi kuye, Mfundisi, zonke ezo zinto ndazigcina, kwa-sebuncinaneni bam. Uthe ke uYe-

su, ondele kuye, wanthanda, wathi kuye, Kukho ntonye uyisweleyo: hamba uye kuthengisa ngeento zonke onazo, uphe amahlwempu, woba nobutyebi ke emazulwini; yiza ke undilandele, uwuthwele umnqamlezo. Wathi ke khunubembe ngelo zwi, wemka ebuhlungu; kuba ebenemfuyo eninzi.

UMateyu 22:37, 38

Wathi ke uYesu kuye, Uze uyithande iNkosi uThixo wakho ngentliziyo yakho iphela, nangomphfumlo wakho uphela, nangengqondo yakho iphela. Nguwo lowo owokuqala nomkhulu umthetho.

KumaGalati 6:3

Kuba umntu, ukuba uba uyinto, engento, uya zikhohlisa.

KwabaseEfese 5:6

Ma kungabi kho namnye unilukhlayo ngamazwi alambathayo; kuba iza ngenxa yezo zinto ingqumbo kaThixo phezu kwabangevayo.

KwabaseKorinte I 6:9, 10

Anazi na, ukuba abangemalungisa abayi kubudla ilifa ubukumkani bukaThixo? Musani ukulahlekiswa; abenza umbulo, nabakhonzi bezithixo, nabakrexezi, nezifebe, namadoda alalanayo,

namasela, namabawa, namanxila, nabatshabisi, nabaphangi, abayi kubudla ilifa ubukumkani bukaThixo.

KaYohane I 3:7, 8a

Bantwanana, ma kungabi kho namnye unikhohlisayo; lowo ubenzayo ubulungisa lilungisa, nje ngokuba yena elilungisa. Lowo usenzayo isono ungokamtyholi; ngokuba umtyholi wone kwa sekuqalekeni.

EkaYakobi 1:22

Yibani ke ngabenzi belizwi, ningabi ngabaphula-phuli kodwa nizidephisela.

KwabaseRoma 5:12

Ngenxa yoko, nje ngokuba isono sangena ngamntu mnye ehlabathini, kwangena ke ukufa ngaso isono; kwaza ngokunjalo ukufa kwabatyhutyha abantu bonke, ekubeni bonke bonayo.

KwabaseRoma 6:23

Kuba umvuzo wesono kukufa; ke sona isibabalo sikaThixo bubomi obungunaphakade, kuKristu Yesu iNkosi yethu.

UHezekile 18:20

Umphefumlo owonayo, kuya kufa wona wodwa. Unyana akayi kuthwala ubugwenxa bukayise, noyise akayi kubuthwala ubugwe-

nxa bonyana; ubulungisa belungisa buya kuba phezu kwalo, nokugendawo kongendawo kuya kuba phezu kwakhe.

ULuka 15:32

Besimelwe kukuthi senze imihlali ke, sivuye; ngokuba umninawa wakho lo ubefile, wabuya waphila; ubelahlekile, wafunyanwa.

Imizekeliso 11:19

Ubulungisa obububo busingisa ebomini; ophuthuma ububi usingisa ekuzibulaleni kwakhe.

EkaYakobi 1:15

Ithi inkanuko, yakuba ithabathile, izale isono; sithi ke isono, sakuba sikhulelwe, sizale ukufa.

ULuka 7:14, 15

Yafika ke yalichukumisa ithala, bema ke ababethwele. Yathi, Ndodana, ndithi kuwe, Vuka. Wavuka wahlala umfi lowo, waza ke wathetha.

KwabaseKorinte I 15:25, 26

Kuba umelwe yena kukuthi alawule, ade azibeke phantsi kweenyawo zakhe zonke iintshaba. Olokugqibela utshaba oluya kubangiswa kukufa.

Isityhilelo 1:18

Ndinguye odla ubomi; ndaye ndifile; yabona, ndingobudlayo ubomi kuse emaphakadeni asemaphakadeni, Amen; ndinazo nezi-tshixo zelabafileyo nezokufa.

UYohane 11:43, 44

Etshilo ke, wadanduluka ngezwi elikhulu, wathi, Lazaro, phuma. Waphuma ofileyo, ebotsiwe iinyawo nezandla ngezithandelo, nobuso bakhe bujikelwe ngeqhiya. Athi kubo uYesu, Mkhululeni, nimyeke ahambe.

UYohane 10:17, 18

Ngenxa yoku uBawo uyandithanda; ngokuba mna ndibuncama ubomi bam, ukuze ndibuye ndibuthabathe. Akukho namnye ubuhluthayo kum, ndiyabuncama mna ngokwam; ndinegunya lokubuncama, ndinegunya lokubuya ndibuthabathe; lo mthetho ndawamkela kuBawo.

IDuteronomi 5:7-21

Uze ungabi nathixo bambi ngaphandle kwam.

Uze ungazenzeli umfanekiso oqingqiweyo, nokuba ngowayiphi na into emilise esezulwini phezu-lu, nesemhlabeni phantsi, nesemanzini aphantsi komhlaba. Uze ungazinquli ezo nto, uze ungazikhonzi. . .

Uze ungafumane ulibize igama likaYehova uThixo wakho, kuba uYehova akayi kumenza omsulwa, ofumana alibize igama lakhe.

Gcina umhla wesabatha, ukuba uwungcwalise, nje ngoko wakuwisela umthetho uYehova uThixo wakho. Wosebenza imihla emitha-

ndathu, uwenze wonke umsebenzi wakho; ke wona umhla wesixhenxe uyisabatha kaYehova uThixo wakho. . .

Beka uyihlo nonyoko, nje ngoko akuwisele umthetho uYehova uThixo wakho. . .

Uze ungabulali.

Uze ungakrexezi. Uze ungeebi.

Uze unganqhini ubunqhina obubuxoki ngommelwane wakho.

Uze unganqweneli umfazi wommelwane wakho; uze unganqweneli indlu yommelwane wakho, nentsimi yakhe, nesicaka sakhe, nesicakakazi sakhe, nenkomo yakhe, ne-esile lakhe, nanye into eyiyeyommelwane wakho.

Imizekeliso 15:3

Asezindaweni zonke amehlo kaYehova, ebonisela abanobubi nabalungileyo.

ULuka 8:17

Kuba akukho nto ifihlakeleyo ingayi kubonakala; kanjalo akukho ifihlakeleyo ingayi kwazeka, ize ekuhleni.

Indumiso 139:8, 12

Ukuba ndithe ndenyuka ndaya emazulwini, ulapho wena; ukuba ndithe ndazandlalela kwelabafileyo, naanko ukho. . . Kwa no-bumnyama obo abungebi bubumnyama kuwe; ubusuku bungaba mhlophe nje ngemini, ubumnyama bungaba nje ngokukhanya.

UYobi 34:21, 22

Kuba amehlo akhe aphezu kweendlela zomntu, uya wabona onke amabanga akhe. Akukho bumnyama, akukho thunzi lakufa, ukuba basithele kulo abenzi bo-butshinga.

KumaHebere 4:13

Kanjalo akukho sidalwa singabonakaliyo emehlweni akhe; izinto zonke ke zizé, zityhilekile, emehlweni alowo esinokuthana ni naye.

UYeremiya 23:24

Wosithela na umntu ezintsitshelweni, ndingamboni na? utsho uYehova. Andizalise amazulu nehlabathi na mna? utsho uYehova.

ABANGENA THIXO BALINDWE SISOHLWAYO ESINGUNAPHAKADE

KaPetros II 3:7

Ke lona izulu langoku, nawo umhlaba lo, kwa ngelo lizwi ezo zinto ziqwetyelwe, zigcinelwe, umlilo, kuse kwimini yomgwebonentshabalalo yabantu abangahloneli Thixo.

UMateyu 25:46

Baya kumka aba baye elubethweni olungunaphakade; ke wona amalungisa aya kuya ebomini obungunaphakade.

UMateyu 18:8

Ukuba ke isandla sakho, nokuba lunyawo lwakho, luyakukhubekisa, lunqamle, ululahle; kukulungele ukuba ungene ebomini u-

sisiqhwala, mhlawumbi usisilima, kunokuba uthi, unezandla ezibini, mhlawumbi uneenyawo ezimbini, uphoswe emlilweni ongunaphakade.

UMateyu 13:41, 42

UNyana womntu uya kuthuma izithunywa zakhe, zize zibuthe, zikhuphe ebukumkanini bakhe, zonke izikhubekiso, nabo benza okuchasene nomthetho; zibaphose ezikweni lomlilo; khona apho kuya kubakho ukulila nokutshixiza kwamazinyo.

Indumiso 9:17

Baya kubuyela kwelabafileyo abangendawo, kwa iintlanga zonke ezimlibalayo uThixo.

KumaHebere 9:27

Abantu bemiselwe ukuba bafe kube kanye, ize ke emveni koko ibe ngumgwebo.

KwabaseRoma 14:12

Ngoko ke elowo kuthi uya kuziphendulela kuThixo.

KaPetros II 2:9

Iya kwazi iNkosi ukubahlangu-la ekuhendweni abahlonela uThixo; ke abangemalungisa ibagcinile imini yomgwebo, ukuba babethwe.

KwabaseKorinte II 5:10

Kuba thina aaba sonke sime-lwe kukuthi sibonakalaliswe pha-

mbi kwesihlalo sokugweba sika-Kristu, ukuze elowo azuziswe okwenziwe ngomzimba, ngoko akwenzileyo, nokuba kokulungileyo, nokuba kokubi.

KaYohane I 4:17

Lugqibelele ngale nto uthando olukuthi, ukuze sibe nokungafihlisi ngomhla womgwebo; ngokuba, nje ngoko anjalo yena, sinjalo nathi kweli hlabathi.

Izenzo 17:31

Ngokokuba emise umhla, aza kuligweba ngawo elimiweyo ngobulungisa, ngendoda awayimisa-yo, ebanike bonke ukholo ngokuyivusa kwabafileyo.

KuTito 3:7

Ukuze sithi, sigwetyelwe ngobabalo lwalowo, sibe ziindla-lifa zobomi obungunaphakade ngokwethemba.

KwabaseKorinte II 9:15

Ma kubulelwe ke kuThixo ngenxa yesipho sakhe esingenambhali.

KaPetros I 5:5b

. . .uThixo uya bachasa abane-kratshi, abababale ke abazithobileyo.

KwabaseRoma 5:15

Sisuke isiphoso asaba nje ngoko sinjalo sona isibabalo. Kuba, xa abaninzi aaba bafa sisiphoso salowo manye, kokukhona ubaba-

lo lukaThixo, nesipho esingobabalo olu lwalo mntu manye, uYesu Kristu, saphuphumela kubo abaninzi aaba.

Izenzo 4:33

Baye abapostile bekunqhinela ngamandla amakhulu ukuvuka kweNkosi uYesu; kwaye kukho ukubabalwa okukhulu kubo bonke.

KwabaseKorinte II 8:9

Kuba niya lwazi ubabalo lweNkosi yethu uYesu Kristu, okokuba yathi, ibisisityebi nje, yaba lhlwempu ngenxa yenu, ukuze nina nibe zizityebi ngobuhlwempu bayo obo.

UHezekile 18:31

Lahlani zonke izikreko zenu e-nikreke ngazo, nizenzele intliziyo entsha nomoya omtsha. Yini na ukuba nife, ndlu kaSirayeli?

UMateyu 3:2

Esithi, Guqukani: kuba ubukumkani bamazulu busondele.

ULuka 13:3

Ndithi kuni, Hayi: nothi xa sukuba ningaguquki, nitshabalali, kwangokunjalo nonke.

Izenzo 3:19

Guqukani ke ngoko, nibuye, ukuze zicinywe izono zenu; ngoko-kuze afike amathuba okuphumza, evela ebusweni beNkosi.

KwabaseKorinte II 7:10

Kuba ubuhlungu obungokuka-Thixo busebenza inguquko esingisa elusindisweni, ekungekho kuzohlwaya ngayo; ke khona okwehlabathi ukuba buhlungu kusebenza ukufa.

Imizekeliso 28:13

Osigubungelayo isono sakhe akayi kuba nampumelelo; Ke yena osivumayo, asishiye, uya kufuma-na inceba.

Izenzo 17:30

Loo maxesha ke ngoko okungazi, uThixo wawayeka ngabomi; kungoku uyala abantu bonke ezi-ndaweni zonke ukuba baguquke.

UMateyu 6:14

Kuba xa nithi nibaxolele abantu iziphoso zabo, uYihlo osemazulwini wonixolela nani.

Isityhilelo .3:20

Yabona, ndimi emnyango ndinqonqoza; ukuba uthe umntu waliva izwi lam, waluvula ucango, ndongena kuye, ndidle naye, naye adle nam.

UISaya 55:7

Ongendawo ma kashiye indlela yakhe, indoda enobutshinga ma ishiye iingcinga zayo, ibuyele kuYehova: woba nemfesane kuyo; ibuyele kuThixo wethu, ngokuba woxolela ngokukhulu.

UHezekile 18:21

Ongendawo ke, xa athe wabuya ezonweni zakhe zonke azenzi-leyo, wayigcina yonke imimiselo yam, wenza ngokwesiko nangobulungisa, inene, uya kuphila; akayi kufa.

Izenzo 5:31

Yena lowo uThixo wamphakamisa ngesandla sakhe sokunene, waangumThetheli nomSindisi, ukuze amnike uSirayeli inguquko noxolelo lwezono.

UMarko 2:5

Akulubona ke uYesu ukholo lwabo, wathi konedumbe, Mntwana wam, uzixolelwe izono zakho.

KwabaseEfese 5:11

Kanjalo musani ukuba nabudlelane ngemisebenzi yobumnyama engenasiqhamo; ma kube kukhona niyohlwayayo.

KwabaseKolose 3:2

Nyamekelani izinto zaphezulu, zingabi zezasemhlabeni.

KaYohane I 2:15, 16

Musani ukulithanda ihlabathi, kwa nezinto ezisehlabathini. Uku-
ba kukho othi alithande ihlabathi,
uthando lukaYise alukho kuye.
Ngokuba konke okusehlabathini,
inkanuko yenyama, nenkanuko
yamehlo, noqhankqalazo lobu bo-

mi, asikokuphuma kuye uYise,
kokuphuma ehlabathini.

UIsaya 1:16

Zihlambeni, ziqaqambiseni; su-
sani ububi beentloni zenu pham-
bi kwamehlo am; yekani ukwe-
nza ububi.

KuTito 2:11, 12

Kuba lubonakele kubantu bo-
nke ubabalo lukaThixo, lulolusi-
ndisayo; lusiqeqesha ukuze sithi,
sikuncama ukungahloneli Thixo
nokukhanuka okukokwehlabathi,
sihlale ngokunesidima, nangoku-
bulungisa, nangokuhlonela uThi-
xo, kweli phakade langoku.

UHezekile 36:26

Ndoninika intliziyo entsha, ndinike umoya omtsha ngaphakathi kwenu; ndiyisuse intliziyo elithe enyameni yenu, ndinike intliziyo enyinyama.

KaYohane I 5:18

Siyazi ukuba bonke abazelwe nguThixo aboni; usuke athi lowo wazalwayo nguThixo azigcine, aze ongendawo angamchukumisi.

KwabaseKorinte I 6:11

Naye njalo ke inxenye yenu; kuloko nahlanjululwayo, kuloko nangcwaliswayo, kuloko nagwe-tyelwayo egameni lenKosi uYesu, nangoMoya kaThixo wethu.

UYohane 3:3

Waphendula uYesu wathi kuye, Inene, inene, ndithi kuwe, Ukuba akathanga umntu azalwe ngokutsha, akanakububona ubukumkani bukaThixo.

KaPetros I 1:23

Nizelwe nje ngokutsha, kungenkokwasembewini enokonakala, kungenkokwasembewini engenakona-kala, ngelizwi likaThixo eliphili-leyo, elihleliyo ngonaphakade.

KwabaseKorinte II 5:17

Ngoko ke, ukuba ubani ukuKri-stu, usisidalwa esitsha; izinto ezi-ndala zidule; bonani ke, zisuke zaba ntsha izinto zonke zakhe.

KwabaseEfese 2:1, 6

Nani unidlise ubomi, nifile nje ziziphoso nazizono. . . Wasivusa naye, wasihlalisa naye kwezase-mazulwini iindawo, sikuKristu Yesu.

KaPetros I 2:24

Owathi ngokwakhe, izono zethu wazithwala ngomzimba wakhe emthini, ukuze sithi, sifile ngakwizono, siphilele ebulungiseni; omivumbo yakhe naphiliswa ngayo.

KumaGalati 5:24

Ke kaloku abo ke bakaKristu, inyama bayibethelele emnqamlezweni, kunye neminqweno neenkanuko zayo.

KwabaseRoma 6:2, 11

Thina safayo nje kwisono, singathi ni na ukuba sahlala kuso? . . . Ngokunjalo nani zibaleleni ekuthini, ningabafileyo okunene kwisono; kodwa ningabadla ubomi kuThixo, nikuKristu Yesu, iNkosi yethu.

KwabaseKolose 3:1

Ukuba ngoko navuswa kunye noKristu, funani izinto zaphezulu, apho akhona uKristu, ehleli ngasekunene kukaThixo.

KwabaseKolose 2:13

Nani, nifile nje ziziphoso nakukungaluki kwenyama yenu, unidlise ubomi ndawo nye naye, enixolele zonke iziphoso.

KumaGalati 6:8

Ngokuba lowo uhlwayelela e-yakhe inyama, wovuna ukonakala ngokwasenyameni; lowo uhlwayelela uMoya ke, wovuna ubomi obungunaphakade ngokwaseMoyeni.

UYohane 3:36

Lowo ukholwayo kuNyana, unobomi obungunaphakade; ke lowo ungamviyo uNyana, akayi kubona bomi; ingqumbo kaThixo ihleli phezu kwakhe.

UYohane 3:14, 15

Njengokuba ke uMoses wayiphakamisayo inyoka entlango, umelwe kukuphakanyiswa ngoku-

njalo uNyana womntu; ukuze bonke abakholwayo kuye bangatshalali, koko babe nobomi obungunaphakade.

UYohane 5:24

Inene, inene, ndithi kuni, Lowo ulivayo ilizwi lam, akholwe ngulowo wandithumayo, unobomi obungunaphakade; akezi ekugwe-tyweni; uphume ekufeni, wange-na ebomini.

UYohane 17:3

Bubo ke obu ubomi obungunaphakade, ukuba mabakwazi, wena ukuphela koThixo oyinyaniso, naye uYesu Kristu omthumileyo.

KumaGalati 4:6

Ngokuba ke ningonyana, uThixo wamkhupha uMoya woNyana wakhe, weza ezintliziyweni zenu, edanduluka esithi, Aba, Bawo.

KaYohane I 4:13

Sazi ngale nto ukuba sihleli kuye, naye uhleli kuthi: ngokuba usinike okoMoya wakhe.

KaYohane I 3:18, 19, 24

Bantwanana bam, ma singathandi ngazwi nangamlomo; ma sithande ngezenzo nangenyaniso. Siyazi ngale nto ke ukuba singabenyaniso; siya kuzileleza iintliziyo zethu phambi kwakhe. . .Lowo uyigcinayo imithetho yakhe uhleli kuye, naye uhleli kulowo. Sazi

ngale nto ke, ukuba uhleli kuthi ngoMoya lo wasinikayo.

KwabaseRoma 8:16

UMoya ngokwakhe unqhinela-na nomoya wethu, ukuba singabantwana bakaThixo.

UIsaya 32:17

Wothi umsebenzi wobulungisa ube luxolo, nokwenza kobulungisa kube kukuzola nokukholosa ngonaphakade.

UYohane 14:21

Lowo unayo imithetho yam ayigcine, nguye ondithandayo; lowo ke undithandayo, uya kuthandwa nguBawo; nam ndiya kumthanda, ndizibonakalalise kuye.

UKUHLALA NOKRISTU NGAPHAKATHI KWAKHO KUNIKA UVUYO

UYohane 17:13

Ngoku ke ndiza kuwe; nezi zinto ndizithetha ehlabathini, ukuze babe nalo uvuyo lwam luzalisekile kubo.

Ulsaya 12:3

Ngoko ke niya kukha amanzi ninemihlali emithonjeni yosindiso.

KwabaseRoma 14:17

Kuba ubukumkani bukaThixo abukukudla nakusela; bubulungisa noxolo novuyo eMoyeni oyi-Ngcwele.

UJohane 15:11

Ezi zinto ndizithethile kuni, ukuze uvuyo lwam luhlale kuni, luthi novuyo lwenu luzaliseke.

Indumiso 16:11

Uya kundazisa umendo wobomi: ebusweni bakho yinzaliseko yemivuyo; ekunene kwakho yimihlali ngonaphakade.

KumaGalati 2:20

Ndibethelelwe emnqamlezweni noKristu; ayisendim ke odla ubomi, nguKristu ke osel' esidla ubomi kum. Ubomi ke endibudlayo ngoku, ndisenyameni, ndibudlela ekukholweni kuNyana kaThixo, owandithandayo, wazinikela ngenxa yam.

KwabaseEfese 3:17

Ukuba uKristu ahlale ngalo ukholo ezintliziweni zenu.

IDuteronomi 11:26-28

Yabonani, ndibeka phambi kwenu namhla intsikelelo nesiqa-lekiso: intsikelelo, ukuba nithe nayiphula-phula imithetho kaYe-hova uThixo wenu, endiniwisela-yo namhla; isiqalekiso, ukuba ni-the anayiphula-phula imithetho kaYehova uThixo wenu.

KwabaseTesalonika II 1:7-9

Athi, nina babandezelwayo, a-nibuyekeze ngokuniphumza ku-nye nathi, ekutyhilekeni kweNko-si uYesu, ivela emazulwini inezi-thunywa zamandla ayo; inomlilo odangazelayo, ibaphindezela aba-ngamaziyo uThixo, nabangazilu-

lameliyo iindaba ezilungileyo ze-Nkosi yethu uYesu Kristu.

USamuweli I 12:15

Ke ukuba anithanga niliphula-phule izwi likaYehova, ukuba ni-the nawuphikisa umlomo kaYe-hova, isandla sikaYehova sonicha-sa, nje ngokuba sachasa oyihlo.

KwabaseRoma 6:16

Anazi na ukuba lowo nizinikela kuye ukuba ngabakhonzi boku-mlulamela, ningabakhonzi ngoku kulowo nimlulamelayo: nokoku-ba ningabesono, nisingise ekufeni, nokokuba ningabolulamo, nisingi-se ebulungiseni?

UMateyu 10:32, 33

Wonke umntu ngoko oya kumdivuma phambi kwabantu, ndiya kumvuma nam phambi koBawo osemazulwini. Osukuba ke eya kundikhanyela phambi kwabantu, ndiya kumkhanyela nam phambi koBawo osemazulwini.

ULuka 9:26

Kuba othe waneentloni ngam, nangawo amazwi am, uNyana womntu woba neentloni ngaye lo-wo, xa athe weza esebuqaqawulini bakhe, nobukaYise, nobezithunywa ezingcwele.

KaYohane I 2:23

Bonke abamkhanyelayo uNyana, abanaye noYise.

KwabaseRoma 10:9, 10

Ngokuba, xa uthe wamvuma ngomlomo wakho ukuba yiNkosi uYesu, wakholwa ngentliziyo yakho ukuba uThixo wamvusa kwabafileyo, wosindiswa. Kuba umntu ukholwa ngentliziyo, ukuze abe nobulungisa: avume ke ngomlomo, ukuze asindiswe.

KwabaseFilipi 2:11

Zithi zonke iilwimi zixele ukuba uYesu Kristu uyiNkosi, kuze kuzukiswe uThixo uYise.

KuTimoti II 2:12

Ukuba siya nyamezela, solawula kwa ndawo nye naye; ukuba siya mkhanyela, naye wosikhanyela.

KaPetros I 5:8

Yibani nobunchathu, phaphani; ngokuba ummangaleli wenu, umtyholi, uhamba nje ngengonyama egqumayo, efuna ubani angamginyayo.

KwabaseTesalonika II 2:9

Kwa lowo, ukufika kungokoku-sebenza kukaSathana, ngayo imisebenzi yonke yamandla, nemiqondiso, nezimanga zobuxoki.

Izenzo 26:18

Ukuba uvule amehlo abo, ukuze babuye ebumnyameni, beze ebumhlotsheni; babuye egunyeni likaSathana, beze kuThixo; ukuze bamkele uxolelo lwezono, nelifa

phakathi kwabangcwalisiweyo, ngokukholwa kum.

UMateyu 4:1, 10, 11

Waza uYesu wenyuswa nguMoya, wasiwa entlango, ukuba ahendwe ngumtyholi. . . Aze athi uYesu kuye, Suka umke, Sathana; kuba kubhaliwe kwathiwa, Yi-Nkosi uThixo wakho oya kuqubuda kuyo, ukhonze yona yodwa. Andule ke umtyholi ukumyeka; nanko kufika izithunywa zezulu zimlungiselela.

KwabaseEfese 6:11

Khobani sonke isikrweqe sika-Thixo, ukuze nibe nakho ukumisa nibuchase ubuqhinga bomTyholi.

KwabaseTesalonika II 2:8

Andule ukutyhileka ongenamthetho; lowo iya kumtshisa i-Nkosi ngomoya womlomo wayo, imbangise ngokubonakala kokufika kwayo.

KaYohane I 3:8

Lowo usenzayo isono ungokamtyholi; ngokuba umtyholi wone kwa sekuqalekeni. Wabonakalise-lwa oku uNyana kaThixo, ukuze ayichithe imisebenzi kamtyholi.

KumaHebere 2:14

Ekubeni ngoko abantwana abo bengamadlelane naye ngenyama negazi, wathi naye ngokwakhe ngokukwanjalo wabelana nabo

ngezo zinto, ukuze ngakho ukufa ambangise lowo unamandla okufa, oko kukuthi, umtyholi lo.

KwabaseRoma 8:35, 37

Ngubani na oya kusahlula eluthandweni lukaKristu? Yimbandezelo na, luxinaniso na, yintshutshiso na, yindlala na, bubuze na, yingozi na, likrele na? . . . Kanti ke kwezo zinto zonke, sisuka soyise sigqithisele, ngaye owasithandayo.

EkaYakobi 4:7, 8

Mthobeleni ngoko uThixo. Mchaseni ke umtyholi, wonibaleka. Sondelani kuye uThixo, wosondela kuni.

UYohane 13:35

Ngayo le nto baya kwazi bonke, ukuba ningabafundi bam, ukuba nithe nathandana.

KaYohane I 4:20

Ukuba umntu uthe, Ndiya mthanda uThixo, wamthiya umzalwana wakhe, ulixoki; kuba lowo ungamthandiyo umzalwana wakhe ambonileyo, angathi ni na ukumthanda uThixo angambona-nga?

KumaGalati 5:22

Ke sona esoMoya isiqhamo luthando, uvuyo, uxolo, ukuzeka kade umsindo, ububele, ukulunga, intembeko, ubulali, ukuzeyisa.

UYohane 21:16

Aphinde athi kuye okwesibini, Simon kaYona, uyandithanda na? Athi kuye, Ewe, Nkosi, uyazi wena ukuba ndiyakuthanda. Athi kuye, Yalusa izimvu zam.

KaYohane I 3:14

Thina siyazi ukuba sidlule ekufeni, sangena ebomini, ngokuba sibathanda abazalwana. Lowo ungamthandiyo umzalwana uhleli ekufeni.

KwabaseKorinte I 13:1

Ndingafanelana ndithetha ngeelwimi zabantu nezezithunywa zezulu, uthando ke ndingenalo, ndisuke ndaba yixina ehlokomayo, necangci elikhenkcezayo.

UYohane 20:26-28

Afike uYesu, zakubon' ukuba zivaliwe iingcango, eme phakathi, athi, Uxolo malube nani. Andule athi, kuTomas, Ethe apha umnwe wakho, uzibone izandla zam; ethe isandla sakho, usifake ecaleni lam; musa ukuba ngongakholwayo, yiba ngokholwayo. Uphendule u-Tomas, wathi kuye, NKosi yam, Thixo wam!

UMarko 16:9

Ke kaloku wathi uYesu, evuke ekufeni kusasa ngolokuqala usuku lweveki, wabonakala kuqala ku-Mariya waseMagadala, awayekhuphe kuye iidemon zasixhenxe.

Izenzo 10:39-41

Thina singamanqhina ezinto zonke awazenzayo ezweni lamaYuda, kwa naseYerusalem; abamsikayo ngokumxhoma emthini. Yena lowo uThixo wamvusa ngomhla wesithathu, wenza ukuba abonakale, kungekubo abantu bonke, kukumanqhina abenyuliwe ngenxa engaphambili nguThixo: kuthi thina, sadlayo saselayo naye emveni kokuvuka kwakhe kwabafileyo.

KwabaseRoma 4:25

Owanikelwa ngenxa yeziphoso zethu, waza wabuya wavuswa ngenxa yokugwetyelwa kwethu.

UMateyu 16:21

Waqalela kwelo xa uYesu uku-babonisa abafundi bakhe, okoku-ba umelwe kukuba aye eYerusa-lem, eve ubunzima obukhulu ku-wo amadoda amakhulu nababi-ngeleli abakhulu, nababhali, abu-lawe, athi ngomhla wesithathu avuke.

UYohane 5:25, 28, 29

Inene, inene, ndithi kuni, Ku-za ilixa, nangoku selikho, xa aba-fileyo baya kuliva izwi loNyana kaThixo, bathi abalivileyo badle ubomi. . . Musani ukumanga-liswa kukho oko; ngokuba kuza ilixa abaya kuthi ngalo bonke a-basemangcwabeni balive ilizwi la-

khe; baphume ke: abo benza izinto ezilungileyo beze eluvukweni lo-bomi; nabo ke benza izinto ezi-mbi, beze eluvukweni lokugwe-tywa.

KwabaseRoma 6:3-5

Anazi na ukuba thina sonke, sabaptizelwayo kuKristu Yesu, sa-baptizelwa ekufeni kwakhe? Ngo-ko ke sanchwatywa naye ngo-kubaptizelwa ekufeni; ukuze, nje-ngokuba uKristu wavuswayo kwa-bafileyo ngalo uzuko loYise, sithi ngokunjalo nathi sihambe sinobomi obutsha. Kuba xa simi-liselwe kuye ngentsobi yokufa kwakhe, somiliselwa kuye nange-yokuvuka kwakhe.

KwabaseKorinte II 7:1

Sinawo nje ngoko la madinga, zintanda, ma sizihlambulule kukho konke ukudyobeka kwenyama nokomoya, sibufeza ubungwele, sisoyika uThixo.

KuTimoti II 2:21

Ukuba ngoko umntu uthe wazikhuphulula kwezo zinto, woba sisitya sembeko, singwalisiwe, simlungile kakuhle umnini-ndlu, silungiselwe wonke umsebenzi olungileyo.

KwabaseEfese 1:4

Nje ngokuba wathi, ngaphambi kokusekwa kwehlabathi, wasinyulela kuye, ukuba sibe ngcwele, singabi nasiphako phambi kwakhe.

KaPetros I 1:15

Nithi ke, ngokokwalowo ubungwele wanibizayo, nibe ngcwele nani ngokwenu kuyo yonke ihambo.

KwabaseEfese 4:24

Nimambhathe umntu omtsha, othe ngokukaThixo wadalelwa ebulungiseni, nasebungcweleni benyaniso.

KaPetros I 1:2

Abanyuliweyo ngokokwazi kwenxa engaphambili kukaThixo uYise, ebungcweleni boMoya, kuse ekululameleni nasekufefweni kwegazi likaYesu Kristu: uthi, Ma kwandiswe kuni ubabalo noxolo.

Ulsaya 35:8

Kuya kuba kho umendo khona, kube kho indlela, kuthiwe ukubizwa kwayo, yindlela engcwele le. Akuyi kudlula nto iyingqambi ngayo; yeyabo yona: abahamba loo ndlela — nabazizihula abayi kulahleka kuyo.

KumaHebere 13:12

Kungoko athe noYesu, ukuze abangcwalise abantu ngelilelakhe igazi, weva ubunzima ngaphandle kwesango.

UMateyu 3:11

Mna okunene ndinibhaptizela enguqukweni ngamanzi; kodwa lowo uzayo emva kwam unama-

ndla kunam, ozimbadada ndingakulingeneyo ukuziphatha; yena ke uya kunibhaptiza ngoMoya oyi-Ngcwele nangomlilo.

KaYohane I 1:9

Ukuba sithi sizivume izono zethu, uthembekile, ulilungisa, ukuba asixolele izono zethu, asihlambulule kukho konke ukungalungisi.

ULuka 1:74, 75

Sokusinika ukuba sithi, sihlangulewe esandleni seentshaba zethu, Siyikhonze singenakoyika, Ngobungcwele nangobulungisa emehlweni ayo, yonke imihla yobomi bethu.

UHezekile 36:27

Ndowufaka umoya wam ngaphakathi kwenu, ndinenze nihambe ngemimiselo yam. . .

ULuka 11:13

Ukuba ke ngoko nina, ngingedawo nje, niyakwazi ukubapha abantwana benu izipho ezilungileyo, wobekaphi na ke yena uYihlo wasezulwini, ukugqithisela ukubapha uMoya oyiNgcwele abo bamcelayo?

Izenzo 1:8a

Niya kwamkela ke amandla, akubona ukuba uMoya oyiNgcwele uhile phezu kwenu; nibe ngamanqhina am. . .

Izenzo 4:31

Bakubona ukuba bakhungile, yazanya-zanyiswa indawo ababehlenganisene kuyo, bazaliswa bonke nguMoya oyiNgcwele, balthetha ilizwi likaThixo ngokungafihlisiyo.

Izenzo 13:52

Baye ke abafundi bezaliswe luvuyo nanguMoya oyiNgcwele.

KwabaseRoma 8:9

Ke nina anikwinyama; nikuMoya, ukuba kumi okunene uMoya kaThixo ngaphakathi kwenu. Ukuba ke umntu akanaye uMoya kaKristu, akangowakhe lowo.

KaPetros I 4:12, 13

Zintanda, musani ukuwuthela nqa umlilo okhoyo phakathi kwenu wokunilinga, ngathi nihlelwa yinto yokuthelwa nqa. Yithini, nje ngoko ningamadlelane ngeentlungu zikaKristu, nivuye; ukuze, nasekutyhilekeni kobuqaqawuli bakhe, nivuye nigcoba.

Indumiso 37:3

Kholosa ngoYehova, wenze okulungileyo; lime ilizwe, ulandelane nokuthembeka.

KumaHebere 12:7

Ukuba ninyamezela uqeqesho, uThixo woba uniphethe nje ngoonyana; kuba nguwuphi na unyana ongaqeqeshwayo nguyise?

Indumiso 34:18

Usondele uYehova kwabantliziyo zaphukileyo; abasindise abamoya utyumkileyo.

Isityhilelo 21:4

Azisule uThixo zonke iinyembezi emehlweni abo; kungabi saba kho kufa; kungabi saba kho nasijwili, nakukhala, nantlungu; ngokuba izinto zokuqala zigqithile.

Ulsaya 66:2

Zonke ezo zinto sazenza isandla sam, zaba kho ke zonke ezo zinto, utsho uYehova; ndibeka kulo, kolusizana, komoya waphukileyo, kogubayo ngelizwa lam.

KwabaseKorinte I 10:13

Anibanjwanga silingo singese-sabantu. Uthembekile ke uThixo, ongayi kuvumela ukuba nilingwe ngaphezu kweninakho; owothi, kunye nesilingo eso, avelise ithuba lokuphuma kuso, ukuba nibe nakho ukuthwala.

Indumiso 34:19

Buninzi ububi obulihlelayo ilungisa, ke uYehova ulihlangula kubo bonke.

UIsaya 43:2

Xa uthi uwele emanzini, ndoba nawe; nasemilanjani, ayisayi kukuntywilisela; xa uthi uhambe

emlilweni, akuyi kurawuka, nelingatye lingakutshisi.

KumaHebere 2:18

Kuba ekubeni eve ubunzima, ehendiwe naye ngokwakhe, unakho ukubasiza abahendwayo.

KwabaseKorinte II 4:17

Kuba ubukhaphu-khaphu bembandezelo yethu eyeyomzu-zwana busisebenzela ngokuncamise kwaphela ubuqaqawuli obukhulukazi obungunphakade.

KwabaseRoma 8:28

Siyazi ke ukuba zonke izinto zisebenziselana okulungileyo kwabo bamthandayo uThixo, kwababiziweyo ngokwengqibo yakhe.

Isityhilelo 21:7

Lowo weyisayo uya kuzidla ilifa izinto zonke; ndiya kuba nguThixo wakhe, yena abe ngunyana wam.

Isityhilelo 2:7

Lowo unendlebe, ma kayive into ayithethayo uMoya kuwo amabandla. Lowo weyisayo ndiya kumnika ukuthi adle kumthi wobomi, ophakathi kwe Paradisi kaThixo.

Isityhilelo 3:21

Lowo weyisayo, ndiya kumvumela ukuba ahlale nam etroneni yam, nje ngokuba nam ndeyisayo, ndaza ndahlala phantsi noBawo etroneni yakhe.

Isityhilelo 3:12

Lowo weyisayo ndiya kumenza intsika etempileni yoThixo wam. Akayi kuba saphuma phandle; ndaye ndiya kulibhalela phezu kwakhe igama loThixo wam, negama lomzi woThixo wam, iYerusalem entsha, ehla emazulwini ivela kuThixo wam, negama lam elitsha.

Isityhilelo 3:5

Lowo weyisayo uya kuthiwa wambu ngeengubo ezimhlophe. Andisayi kulicima igama lakhe encwadini yobomi; ndiya kulivuma igama lakhe emehlweni kaBawo, naphambi kwezithunywa zakhe zasemazulwini.

UTHIXO UYATHETHA KUTHI MALUNGA NOKUQHAWULWA KWEMITSHATO

KwabaseKorinte I 7:10, 11

Ke kaloku abazekileyo nabe-ndileyo ndiya bathethela, phofu ingendim, iyiNkosi; ndithi, Umfazi ma kangahlukani nendoda (ke ukuba uthe wahlukana nayo, ma kahlale angendi, okanye ma kaxolelaniswe nendoda yakhe); indoda ma ingama-ali umfazi wayo.

KwabaseRoma 7:2, 3

Kuba umfazi owendileyo, ubotshiwe ngumthetho kwindoda yakhe, lo gama idla ubomi; ukuba ke ithe yafa indoda, ukhululekile kuwo umthetho ombophe endodeni. Ngoko ke, ukuba uthe waba kuyimbi indoda, yakubona ukuba

indoda yakhe isadla ubomi, kothiwa ngumkrexezikazi. Ke ukuba ithe yafa indoda yakhe, woba ukhululekile kuwo umthetho, ukuba angabi mkrexezikazi, ethe waba kuyimbi indoda.

UMateyu 5:32

Ke mna ndithi kuni, Othe wamala umfazi wakhe ngaphandle kwendawo yombulo, uyamkrexezisa; nothe wazeka owaliweyo, uyakrexeza.

ULuka 16:18

Wonke umntu omalayo umfazi wakhe, azeke wumbi, uyakrexeza; nomntu wonke ozeka owalene nendoda, uyakrexeza.

UMarko 8:38

Kuba othe waneentloni ngam nangamazwi am, kwesi sizukulwana sikrexezayo, sonayo, naye u-Nyana womntu woba neentloni ngaye, xa athe weza esebuqaqawulini boYise, enezithunywa ezingcwele.

EkaYakobi 5:8

Nyamezelani nani, zizimaseni iintliziyo zenu, ngokuba ukufika kweNkosi kusondele.

UMateyu 24:30

Uya kubonakala ngelo xesha umqondiso woNyana womntu ezulwini; zimbambazele ngelo xesha

zonke izizwe zomhlaba, zimbone uNyana womntu esiza phezu kwamafu ezulu, enama-ndla, nobuqaqawuli obukhulu.

UMateyu 24:27

Kuba kwanje ngokuba umbane uthi uphume empuma-langa, ubonakale kude kuse entshonalanga, kuya kuba njalo nokufika koNyana womntu.

UYohane 14:3

Ukuba ke ndimkile ndaya kunilungisela indawo, ndiya kubuya ndize, ndinamkelele kum ngokwam; ukuze apho ndikhona mna, nibe khona nani.

ULuka 21:27

Bandule ke ukumbona uNyana womntu, esiza ngelifu, enama-ndla nobuqaqawuli obukhulu.

Isityhilelo 16:15

Yabona, ndiza nje ngesela. U-noyolo lowo uphaphileyo, uzigcinayo iingubo zakhe, ukuze angahambi ze, balibone ihlazo lakhe.

Izenzo 1:11

Awatshoyo ukuthi, Madoda, maGalili, nimele ni na nondele ezulwini? Kwa yena lo Yesu unyusiweyo kuni, wasiwa emazulwini, uya kuza ngolu hlobo nimbone esiya ngalo emazulwini.

KaYohane I 3:2

Zintanda, ngoku singabantwana bakaThixo. Akukabonakali ke into esiya kuba yiyo; ke siyazi ukuba, xa athe wabonakala, sofana naye; ngokuba siya kumbona nje ngoko anjalo.

UMateyu 16:27

Kuba uNyana womntu uza kuza esebuqaqawulini boYise, enezithunywa zakhe, andule ukubavuzwa bonke ngabanye ngokokwenza kwabo.

ULuka 12:40

Nani ngoko yibani nilungile; ngokuba uNyana womntu uza ngelixa eningalikhumbuleliyo.

ILIZWI LIKATHIXO

NDIFUNA UMSINDISI

Kuba bonile bonke, basilelela eluzukweni lukaThixo.

—KwabaseRoma 3:23

UKRISTU WANDIFELA

Ngokuba noKristu wabuva kwakanye ubunzima ngenxa yezono, ilungisa lisiva ubunzima ngenxa yabangemalungisa, ukuze asisondeze kuye uThixo.

—KaPetros I 3:18 (a)

KUFUNeka NDIGUQUKE

ESONWENI SAM

Guqukani ke ngoko, nibuye, ukuze zicinywe izono zenu.

—Izenzo 3: 19 (a)

KUFUNeka NDimamkele

UYESU NGOKHOLO

Ke bonke abamamkelayo wabani- nika igunya lokuba babe ngabantwana bakaThixo, abo ke bakholwayo kwigama lakhe. —UYohane 1:12

NDINOKUQINISEKA

NGOSINDISO LWAM

Lowo unaye uNyana, unabo ubomi.

—KaYohane I 5:12

Inene, inene, ndithi kuni, Lowo ulivayo ilizwi lam, akholwe ngulowo wandithumayo, unobomi obungunaphakade, akezi ekugwetyweni, uphume ekufeni, wangena ebomini.

—UYohane 5:24

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org



Read booklets online or by App
www.wmp-readonline.org